



UNIVERSITÄTS-
BIBLIOTHEK
PADERBORN

Catalogus Episcoporum Hildesiensium

Letzner, Johannes

Hildesheim, [ca. 1690]

XIX. Bruningus

[urn:nbn:de:hbz:466:1-64252](#)

moribus sincerè correctis, Anno 1114. mortem operariit, in Sacello S. Laurentii sepultus, ultimæ tubæ sonum exspectat.

XIX. BRUNINGUS à Decanatu Goslarensi ad Ecclesiæ Hildesiensis Gubernaculum promotus, non minus vitæ integerrimæ & rigidæ laude, quam prudentiâ & eruditione præcelluit: singulari cultus Divini studio & religionis promovendæ zelo arsit: Diœcesin quadriennio rexit: Xenodochium S. Bartholomæi in Sulta à S. Godehardo fundatum, in Cænobium convertit, redditibusque auctum Canonicis Regularibus D. Augustini incollendum transcripsit: in quod & ipse, abdicato Episcopali onere, Anno 1118. secessit: vitamque privatam, sacris meditationibus, aliisque pietatis officiis suavem duxit, donec rebus humanis exemptus, ibidem tumulo illatus est.

XX. BERTHOLDUS e nobili Familia Toparcharum de Harlessem verosimiliter prognatus, è Cathedralis hujus Ecclesiæ Præpositura ad supremam pastoralem curam omnium calculo promotus est Anno 1118. Vir fuit eruditione, modestâ morum gravitate, continentiâ & religione longè præstantissimus. Anno 1120. Asceterium Canonicorum Regularium D. Augustini à nomine suo olim Barthelsrode, nunc Marienrode dictum instituit. Pagum Harlessem, Cathedralis Ecclesiæ facultatibus addidit: Anno 1129. Præsente Lothario Rege Monasterium S. Servatii Quedlinburgi consecravit. Ac magno sui desiderio reliquo piissimè obiit Anno 1130. 14. Martii, Episcopatus 12. In Summa Aede sub Altari Omnia Sanctorum conditus.

XXI.